

是程堂集

是程堂集卷第十

錢塘屠倬孟昭

吳伯野員外招陪顧南雅師張船山鮑雙湖陳碩
士姚廌青諸前輩吳蘭雪博士看白桃花卽題
黃穀原所作桃花書屋圖後

詩人眼饒例好色入春況有東風媒鄰牆已被紅杏笑
露井忽報山桃開城東吳侯小園裏一株照眼明瓊瑰
蟠根大可壓仙李冷艷未許誇江梅花開却當二月尾
春陰漫空薄于紙薊門風色寒未消暖意先回入花蕊
穿簾溟濛吹雨絲主人未覺流鶯知全身要在隔院見
冷雲十丈光迷離

樹一本四幹皆中柱材高
三間屋在海岱門外

心疑玉環太癡肥

珊珊其來是耶非尊前奏曲彩霞落枝頭撲蝶仙裙飛
江南黃生好風格曾向花間圖主客眼前花發自年年
笑指圖中真歷歷銍紅酒釀花滿席照映瓊枝十分白
新聲只合付歌郎花外茫茫古愁積

題畫冊贈馬秋藥太常五首

頽峰巖岸抱溪長滿地松花草屨香漫笑意行無伴侶
蒼髯都是丈人行

沙痕千疊晚霞紫江影一奩寒鏡圓正好挂帆歸去穩
酒瓶攜在櫂頭船

前林雨意欲消時剩有流雲罨樹枝潑眼赭黃山色活
晚晴天氣夕陽遲

荒亭人倚一枝筇峭壁風吹五粒松雨過白雲都散盡
隔江青透兩三峰

寒林早有棲鴉集曲徑曾無蠟屐痕想見詩人貪擁被
雪深尺許不開門

爲歐陽梅龕農部作畫題二絕句

水鳥衝寒破夕烟滿空虛籟出松顛垂竿我自沿流去
釣得溪頭縮項鱸

暮烟橫截亂山平手拓篷窗挂席行孤月倒翻江水碧
十分圓處在空明

瓶供芍藥四絕句

尚留花事一逡巡病起看花已過春俗吏未成仙吏謫

半年中許作閒人

繁枝和雨翦來濃
幾簇晴霞壓擔紅
催放不須撾羯鼓
沃湯先浸膽瓶銅

城南雨露足
豐臺絕艷驚從市上開
不信園丁減聲價
肩挑菜把一齊來

風搖四壁更參差
說到將離定幾時
量取腰圍約金帶
本來不稱瘦腰支

劉芑初編修招同樂蓮裳孝廉

鈞沈文起孝廉欽

韓董琴南編修

國華

賀耦庚編修

長齡

陳春帆

二尹

榕

朱頌清孝廉

芬

集尺五莊卽送蓮裳文

起頌清下第南還二首

草色郊扉暗林陰客騎涼籬疎通野水亭小蓋垂楊拓
勢餘空濶當歌寄慨慷幾人羈旅感相對酒壚旁

無風莎徑輒過雨麥苗勻舊句重開卷

是日蓮裳爲余重錄丙寅年過小檀藥室

留別詩千讀書圖後

新愁暗逼人忽忽惜高會渺渺度殘春檻外蹠

涿水蛟龍不易馴

雨中過錢衍石農部

儀吉

有贈

園借樹爲屋雨隨車到門性情各疎放俯仰幾思存詩
不令人薄交宜古處敦相於亦聊且未要設琴尊

聞蟬和衍石

急雨聚繁響一涼收動機葉輕能自翳聲遠若爲依風
露忘飢渴兒童有是非無端驚客子感激爾生微

晚香玉

斲冰翦水兩三莖
暑雨簾櫳晚更清
芳訊纏綿通夜合
翹枝矜寵壓秋英
階前薙草亭亭出
扇底招涼的的明
素奈玉簪俱謝却
此香郁烈此風情

六月六日劉醇甫偕過錢衍石寓園吳蘭雪李芸甫繼至同集澄觀水榭

衆綠裏一亭不雨衣亦濕
藤陰切階移蟬噪闌簾入謝
客却過君避暑此可集不來氣
相召來則踵相接今年
天較熱衣履困羈縻
繫浸淫暑雨多髮垢蒸汗汁
客居屋
苦小近市門屢闔幸有同巷鄰
疎放與我習錢亦客于
人假館不待葺竹樹對蕭灑
欄檻周戢香招涼據梧吟

讀畫環几立移尊就嘉蔭密若蟬翳葉此時身境恬倍
覺心氣攝浮雲一翕張落日威已戢園居夏亦秋此意
醇甫得語妙可入詩君棄我收拾況有吳與李嘲戲紛
拉雜茶瓜急呼將僮僕固已狎稍稍夕陰斂簷際花未
合

庭中有馬櫻花
一株即夜合也

那便遽歸去兩脚塵土插

十四日梧門前輩蘭雪國博芙初琴南霽青三太
史同集雙藤老屋戴金溪前輩繼至復偕過衍
石寓園看雨薄暮始散金溪衍石霽青還過余
飲入夜雨甚客不能出余驟病臥不知三君冒
雨歸更作何狀也諸君皆有詩余作長歌紀之
驚飈檐檐透纖絃藤陰張帷坐深碧行觴話雨呼促席

勝事能兼況佳客赫曦潛消九衢滌急點排窗箭鳴鏑
雷霆一聲住簷滴停杯起立當戶看屋角陰晴迷咫尺
坐間屋漏雨打頭小僮雨立嗟欲愁入門翩然來戴侯
衆賓逡巡爲少留故應天意解娛客雌霓下交雲上浮
雲中日影穿隙流景光變滅爭一晌雨止旋作何時休
對門錢郎居最近園亭水木饒清幽是中宜夏宜雨遊
衝泥急往刺不投淋漓衣履各沾濕軒楹簸盪如輕舟
梧門先生詩律細命我作圖錢作記平池決溜鬱波濤
老樹呼風助聲勢磴邊苔漬泥滑澣波面橋低石凌厲
蓮花博士恣遊戲兀立孤亭我心悸晚來客散天未霽
客留者三去者四張鐙不覺夜氣沈作病先容主人睡

冥心不敵萬象囂百日愁臥一日豪睢盱百怪刺腸肚
心疑臥榻藏螭蛟人生那得長無聊諸公同此心目搖
踏波出門車轂漂怪哉我病睡不穩夢中行雨翻天瓢
六月望後紫藤復作花

繁英麗穀已成烟翠實離離壓架偏剩放數花禁暑雨
却無人看得人憐

法梧門學士屬畫玉延秋館圖并題

西風除架豆葉乾廚爨洗手傳食單大官肉臭喫不得
先生一笑呼園官幾區薯蕷親手種宦隱卅年曾抱甕
春泥雨足秋實肥菜把不勞排日送東坡有兒能作羹
蘇家風味歸先生咄嗟可辦亦豪舉自公退食宜杯鐺

空山橡栗拾幾箇從古詩人總寒餓長鑱手劬黃獨苗
仙人服食亦苦勞不如先生甘淡泊月進一盤供大嚼
得山藥為月一盤見蜀孟昶事有時治具先召客此味我曾同領畧玉延館
開積水潭先生詩句題詩龕作圖我愧沈啟南故事且
說吳匏庵吳匏庵有玉延亭石田翁作圖

梧門前輩以詩招集悅公丈室看荷花且先索和
章依韻奉答

看花未果先作詩眼底正愁詩境少讀先生詩如看花
花雖未看得詩早勝遊雅許入蓮社設酒倘須謀長老
靜觀我自超色相不語花應轉煩惱清池欄檻裝七寶
花底眠鷗藉葑草團茶好滴荷露烹溽暑先憑水風埽

此時想到西子湖圓蓋亭亭搖翠葆亂翻白雨散魚苗
已出黃梅喚知了湖心亭邊萬花繞伊軋勝枝衝水鳥
風裳搖曳荇帶牽水調玲瓏柳絲嫋蘇隄白隄尋酒家
漁兄漁弟約鄰保客中持彼相較量兩地清遊定誰好
吳人自笑作吳語幾向長安作幽討詩成究竟未看花
努力明朝眼雙飽

少司馬秦小峴先生從

俾

所見梧門前輩招看荷

花詩而不及秦先生因賦長歌盛稱蓉湖荷花
之勝以相誇錄以見示輒依韻奉和

爲花作主梧門叟兼爲徵詩覓詩友狂歌驚動蓉湖公
歌罷尊前一搔首蓉湖百里皆水鄉蓉湖湖上多漁莊

芙蓉花紅湖水綠倒浸九龍山色蒼蒼生滿眼皆赤子
那許看花歸故里先生搖手向我言有花不看如湖水
鬢毛已白宦已成可惜久寒鷗鷺盟梧門作官不作客
比我却少思鄉情湖邊舊築藏書藪荷葉荷花無不有
行將歸去看荷花一句詩成一呼酒此時涼意生纖羅
快哉公語如翻波公詩公語兩可記明日併向花前歌
雨中奉柬太常少卿馬秋藥先生三首

未見秋藥翁詩境滿天地既見秋藥翁詩理通寤寐一
見再見之詩轉無一字不如不見翁獨坐領此意翁復
有時來來亦不談詩我更稍稍去去亦無定時三日不
見翁翁則繫我思思翁忽得句而我不自知

我思翁不知我至翁則喜三伏三旬雨僵臥勿能起雨
止我定來奈何雨不止乘車如乘舟濁浪沒馬耳翁今
住斜街去此不三里明日倘更雨我亦終往矣

翁闢有似園有竹復有花竹活正喜雨零落花可嗟比
鄰宋祁居花多任披斜前日偕翁去花前鬪新茶落落
陳孟公瀟灑如餐霞喜翁說游俠傾耳聽不譁二君皆
天才雄談浩無涯會當冒雨訪同來過翁家

謂宋芷灣陳
恭甫兩前輩

爲少宰潘芝軒先生題畫六首

野客忘機候春山淺笑初禽聲能輒美柳意不蕭疎葦
短藏花鴨潮平上鯉魚絲綸方待試商畧到樵漁

山雨泉聲活溪風酒力降薜蘿窺窈窕琴筑寫琤琮此

外空塵土無人采，芷芷因之勞遠想。朱鳥閉文窗，

晚鐘吹不落雲木。寺樓藏天際，龍吟遠風前。鶴影涼溪

山，筇竹領身世。古松忘未許，懷招隱。相期定裹糧，

村落成脩遠。風雲入汗漫，板橋支石穩。茅屋補蘿寒，過

雨琴絃潤黏衣。竹粉乾烟霞當戶牖，手版拄來看

黯黯夕陽沈。蕭蕭野竹侵簞鱸，季鷹想邱壑。幼輿心秋

水落孤艇霜風吹，斷砧晚來亭子上。幽夢碧雲深，

峰峭留雲護。溪平貢石奇，風亭人斂袖。暖樹雀爭枝，獨

坐搔元鬢。長歌和紫芝，好山應有待。高臥荅清時，

題湯雨生騎尉秋江罷釣圖

風波瀕洞已前塵，烟水模糊怕問津。一笑絲綸還在手，

可憐竿木又隨身吞舟肯放蛟龍橫結伴難忘鷗鷺親
不見信天翁一箇潮回獨立大江濱

自題雙藤老屋圖

并序

戊辰冬倂重來京師所居有古藤二蟠根交枝
奇崛偃蹇百年物也而倂居此乃不一年所幸
一看花幾作詩數置酒會客于此吟賞既倦亦
幾與此藤相忘已巳秋冬之交倂將去之聊濡
筆圖其跡更繫一詩京師諸同好時時過此居
者庶幾一屬和焉毋爲惜倂之去其爲此藤惜
可矣

噫我畫藤乃畫我我將去藤我則那我方設想在畫間

滿紙尚作藤花殷藤花爛開今已過我看花後行將還
將還且住復何事不如畫中之我終日比我閒畫成那
便不稱意畧記年時與人地天涯到處有藤花一笑此
圖亦多事

二絕句

天才俊快世莫比我愛錢郎我不疑

謂衍石

間日不來來

竟日入門無語只吟詩

輕雷隱屋溜奔泉消受新涼過雨天午夢黑蛟翻水立
醒來人臥古藤邊

余偶作九絕句旋棄其稿他日憶之不得衍石爲
余誦其二終失其七遂亟錄前二詩存之更戲

書一絕于後

信手詩成容易散素心人對不能多錢郎解憶輕雷句
已後詩亡却問他

寄小檀藥室諸子三首

寒夜空明月墮遲新秋節候露蛩知渴呼茗飲消殘醉
嬾翦燈花續舊詩僦屋小于梁上燕課奴勤似塾中兒

小僕鄒望待余讀書終日間字相酬不已

客居苦憶檀藥室且指家山訂後期

查老父郎寄皖城胡侯范子復銷聲天留此客羈人海
我愧無才賦帝京秋思十分增刺促名場一昔悔從
橫六街如水門常掩故態真堪笑絕纓

壤牆七尺長莓苔屋角新晴向晚開著雨花如寒女怨

窺簾月似故人來案頭書帙侵殘蠹門外車聲隱怒雷
已辦頭銜稱傲吏江湖只合老麤材

題盧秋槎戶部尊甫思亭先生雅谿述德圖

浙東有耆宿曰雅谿盧氏聞諸鄉先生稱說無溢美先
生世業儒淹通識名理儲書萬卷樓溯自府丞始教讀
兼教耕或隱而或仕孝弟力田科流風漢京企懿昔東
園公層軒課厥子箕裘紹先生吉夢發蘭芷東西兩崑
間三峰屹然峙世傳通德門人說履道里先生此養晦
若將終身矣而天大其宗舊德食未已長公金閨彥聲
譽鳳毛起一官佐司農餘事究文史安車昔就養白髮
動朝士豈知歸興長還如雅谿水茲圖寫林泉中復貌

黃綺骨相喬松蒼齒德靈光歸他年拜牀下倘許隨杖履捧爵前致辭歌君子豈弟

題梧門學士移竹卷

奇礪石邊種新竹却符十五蕭郎竿小檀藥室竹更好繞階一翔青鸞雨昏烟碧壓梢重家書爲報俱平安鄉園有夢發清興那得移向都門看竭來屢過詩老宅排闥忽聽秋聲寒掀泥亂迸籬角密敗葉不埽書堆殘舊聞北地產竹少如此林立知應難先生移植向何處得非檀栢或戒壇當時手栽數寸碧用山谷句行鞭已作蛟螭蟠與泉負錘課力輩杜門忘却京朝官疎寮透明風日足頗似雲水江南寬今朝合賦竹請客大書鐫刻青

琅玕

耦庚屬畫湘夢圖二首

墨漬君山一角秋望雲心逐楚江流此身忽被天風引
不到三湘到十洲

烟雨篷窗聽鷓鴣蘆中人語一招呼爲君寫夢吾同夢
却夢君家舊賜湖

吳蘭雪國博屬汪澣雲儀部

梅鼎

作蓮花博士圖

并繪其姬人綠春小影于上戲題二絕

雙笑盈盈鏡檻邊分明眷屬有神仙記從玉女窗中見
十丈花開藕似船

憑欄手把玉芙蓉涼透生衣水面風舉似鷗波亭故事

頭銜須換水晶宮

校讀梧門先生所輯朋舊及見錄畢卽題詩龕圖
後

天地有大文譬之水行地要惟溟渤寬始納衆流細浩
蕩江與河一曲千里勢而皆委歸壚翕受無遜避詩道
于文章所以達政事百六十年來亘古此文治先生
際其隆綜括知不易窮源探宿海乃使百川會昨觀所
著錄卷六十有四上以宣皇風下以備多識韓孟極
推挽僑札通氣誼平生交遊間兼亦徵臭味鯁生近從
事篇什窺一二始歎大匠能萬象入鑪錘想見詩龕中
拉雜充巾笥光從霄漢燭筆有精靈衛吁嗟古作者積

薪當不啻至文或不傳傳者或未至深山窮谷中什一
悲散棄後世望子雲何如及當世願公更廣之倬請進
其例幽傷憔悴士一字一血淚他年別成書冥搜振幽
滯

吳思亭

修

出示復園板橋落成詩畫冊索題冊中

詩凡二十人爲樊榭堇浦諸先生皆浙東西名
宿也

平泉草木儘荒蕪雅集西園賸有圖六十年來吾晚出
板橋雜事記模糊

尚留竹粉染鬚眉裙屐風流想見之解話襄陽耆舊錄

白頭侍講少年時

謂梁山舟前輩

論詩三昧九絕句和翁覃溪先生

并引

說詩隸事昔賢病之比附辭義終闕旨趣竊謂
吟咏所託本乎自然中孕靈秘外感哀樂貞淫
之別匪可僞飾時謁覃溪先生命同此作不欲
規撫遺山掃拾阮亭聊因取譬之近未免蹈虛
之誚云爾

圓靈妙覺只空明塞斷聞根見性情春氣漸深宜燕語
秋心先得是蛩聲

河梁五字自千秋特放柴桑出一頭掬水江心弄明月
百千萬億赴中流

北宋詩篇接盛唐歐蘇不獨以詩昌後賢苦勸鴻溝界

只是時人學古裝

我患才多未是才却愁空手寶山回掌中百琲明珠子
要把絲繩貫串來

宛轉心抽獨繭絲幾番叉手幾撚髭如來據地作獅吼
正在垂眉斂膝時

建章長樂未央宮萬戶千門迴不同絕大經營一彈指
金銀臺現五峰中

風謠政事本相關千古春陵元次山正月繁霜雨無極
特開變雅不從刪

慶歷元和聖德詩武功文教不同時太平歌詠詞臣職
孰是岨嶮孰退之

各承初祖各傳衣認取西來路不迷洗却六朝金粉氣
一同歡喜證菩提

董文恪公篆書座右銘墨跡富春相國師命題

善書古純臣落筆動以正每從楮墨間約畧窺志行英
英尚書公鐘鼎勲業盛座右寫崔銘堂奧入書聖冰斯
不足多淳古饒瘦硬想見立朝時手握元化柄我師出
相示什襲藏弄慎珠光迸行間寒具手先淨祖庭一瓣
香再拜心致敬其言足垂範鍼砭世俗病而况運筆時
體驗入心性筆正正以心中懸至人鏡竊思青瑤鐫響
搗空齋應萬本廣流傳六書資攷證摩厓家人卦千秋
各論定

覃溪先生曩爲季子星原締姻李氏其秋盆荷作
花皆並蒂吳鑑庵前輩爲作圖先生作詩詠之
卽次元韻題卷後

菡萏雙開艷絳陵黃荃妙手寫來能同心三五花如月
照影西南鏡似冰樂府歌成聲不斷長蘆圖後詠誰曾
異時 中禁輝蓮炬始識仙人是寶鐙

題李白裘馬換酒圖

長安市上尋酒徒古之酒徒今已無酒徒什百藏屠沽
但能痛飲急走呼小兒齷齪笑腐儒張筵召客禮法拘
殘杯漉液沾脣鬚歸來索米喧妻奴今日座上客意氣
驚庸奴主人識此意高張太白換酒圖圖中人不識

吾翩翩裘馬麗且都擲筆已教黃鶴碎張口且作長鯨
吟一奴忽走告先生真絕倒金貂置牀頭且付酒家保
明日瓶已空先生笑從容呼兒亟料理牽馬出廐中一
裘一馬亦何有聞道十千沽一斗夜郎歸來不報恩只
祝長江變春酒求仙事荒唐功名付尋常不見獨醒客
顛顛埋沅湘謫仙之謫已千載一笑騎鯨入東海長星
照壁光動搖眼底鬚眉不曾改畫工貌得先生真先生
往矣孰後身座中大有酒人在要向酒人尋替人

同劉芙初董琴南朱勲楣謝向亭周稚圭賀耦耕
錢衍石集客居所居堂分賦食品得韭芽

齋廚動寒事老圃霜力濃食單品堯韭齒頰香色饒俗

言佛開口已過八月中何必春早佳綴花白蒙茸老僮
腸胃窄北地沙土鬆庾郎廿七種那不園丁供茁牙滑
似芹抽甲味壓菰軟炊勝刈葵寸斷類削葱束之兩頭
纖飫此百本豐開園鬱青青已覺五藏通日中例勿翦
登拌過朝饗野人風味長此腹不負公貧家斷炊烟藜
莧腸不充人各種一畦吾念渤海羹

洪忠宣公祠堂古柏圖介亭前輩屬題

我展古柏圖再拜尚書洪見圖如見柏見柏如見公苦
心不使螻蟻蝕粟麵桃梨亦臣職絮書萬里達君前慟
哭兩宮歸不得此身如柏貞且堅可憐白髮羈窮邊冷
山風雪十五載鄱陽祠宇七百年霜皮剝裂膏流渾大

厦將傾失梁棟遷移竟死佞臣讒忠義徒教敵人重吾鄉亦有公神祠櫬題照耀西湖渥地近鄂王墳上樹風雷親見檜分屍

謝向亭編修寓居僧舍過訪有贈

歲晏朋尊興不違獨乘寒月叩雙扉相逢並世宜焚硯各近中年合佩韋青豆房深禪味永白楊巷僻足音希佛香遠透重簾入不染朝衫染衲衣

集蘇米齋覃溪先生出示手摹華山廟碑凡三本雲臺先生復出新刻四明本相校賦呈兩先生華山刻石孫繼表延熹四年迄八年肅共壇場祀典重豐碑卓立三峰巔有明嘉靖地震毀趙曰砌石疑未然

名山響搗百靈護海內尚留三本傳西陂四明及華陰

森若日月星辰懸珠聯璧合吐光怪重摹今見蘇齋前

蘇齋老人篤嗜古著錄度越歐趙先自云假自朱君陳

恭錢伯辛雙鉤影搗兼廓填其一立軸兩巨冊波磔擘畫

工迴旋若令朱十并見此驚心動魄何有焉竹垞跋西陂本有驚心動魄之

語四明舊拓更完好原本新弄瑯嬛仙譬如真形現全

嶽不缺不爛曾誇全全謝山跋四明本云不缺不爛石紋裂似棋展局墨彩

薄於翼翳蟬廿有二行六百字北湖湖上工重鐫漢京

分隸此最古亦見篆楷隸變遷克陵王玉偶通易前後

變割寧拘牽蔡邕郭香書孰是市石察書義孰詮向來

聚訟須一證兩先生許同鉤研攜歸展翫盡三日几案

寶氣騰松烟北湖新本尚可乞搨贈更請煩椎璫

周叔臣爵歌爲少司空陳先生作

蝌蚪漆簡隨灰揚銅花蝕土騰堅光雙柱三足流象味
爵取節足儀鳳皇量容一升有周制倍之如觚惟子商
古人賓僚重酬酢與角觶散同爲觴勒銘旌功詔後禩
橫戈立矢執斧斨先生盛德受高爵峻臣通祿傳旂常
文撫彝鼎儷叔重器辨欵識追歐陽齋陳三爵二無篆
一叔臣作銘文彰蠶眠蛟舞六字古夔文獸面千年藏
春秋命卿例稱字伯和仲偁相頡頏瑯琊媛弟子好古彥
積古摹釋登縑緗

朱紫堂嘗摹其文收入雲臺先生所編積古齋鐘鼎欵識

鯀愚驚彝苦未

辨吉金酷嗜頻參詳叔姬麟經亦曾載或者剔薛磨偏

旁齊姜楚嬾並有作安知此器非由房媚媚玉飭暎青
綠茗茗金碧垂琳瑯譜入復齋嘯堂錄檀椎徧搨隄麋
香薦登石室酌秬鬯瑟如玉瓚中流黃作詩敢效原父
贊子孫永寶期毋忘

朱茱堂兵部爲勸屬題月潭八景

柳隄鳴鶯

烟碧柳絲長忽作漫天絮江南春可憐吾欲攜柑去

松石晴嵐

蒼官蔭百尺特立不可攀問君一拳石何似紫陽山

釣臺烟雨

直鉤夫何傷忘餌亦頗妙東湖湖水深曷不往垂釣

石門飛瀑

壁立下清快萬古風濤鳴跳波一何驟送我過筇聲
澄潭印月

月本不照潭潭自不隔月人在水月間俯仰澈毛髮
南屏疊翠

寂寂彼南山青眼若吾待行雲幾往來玉立終不改
西山晚烟

西山在何許黯黯蒼烟積爽氣待朝來償我風雨夕
玉峰積雪

飛鴻一以振未可戀邱樊却因玉峰叟留此雪泥痕

題樂志圖

爲康熙朝某君應教作
今爲揚州程蘭衫所藏

垂露幃張霄幄場圃果園寧數數微風柁元氣舟嘉時
吉日逍遙遊仲生寓志偶作論無宅無田亦何恨平生
不識高并州老去棲遲豈肥遯畫本摹自鷗波亭亦白
其馬非鴻冥王孫之樂樂何有屈身幕府同飄零何如
盛世高風劭翰墨清華頻應教流傳百六十年來邁軸
長容託歌嘯程生得此益有因我所思兮江南春囊琴
匣劒豈素志曷不歸臥清淮濱不然我其爲繆襲他日
佇爾昌言陳

題覃溪先生所藏東坡天際烏雲詩墨蹟

蘇齋先生今坡公詩心禪悅將毋同盡搜公蹟蘇齋中
何況此帖存家風不見六十七印深原翁

帖有翁深
原印鈐

我家

錢塘公所愛高樓日日湖山對一去船迴浮玉青相思
燕蹴楊花碎夢中長此憶江南草長鶯飛路熟諳湖上
跳珠忽不見清風急雨行瓊儋一場春夢何須喚萬里
看人悵雲漢誰從鳳唳記凌波鳳唳凌波揚鐵屋跋中語五百年來雨
晴換柯敬仲虞奎章媚語忽到句曲張諸人皆有和詩題跋恒沙人
閱歲月忙春風一室開青棠試看天際飛鴻影泥瓜空
摹快雪堂

十三日雪和衍石

竹閣且深坐紙窗先透明隔春猶半月作雪未三更潔
白消塵慮孤寒滿物情却依鑪火熱手自理茶鐺
耦庚索和詩甚急雪夜走筆戲柬并呈笑初

畏君詩工不敢和豈知因畏成嬾情壁門畫偃旗鼓臥
直欲逢君避三舍君詩捷若長臂射部勒指揮都整暇
行成不許敵口藉激之使戰兵用詐劉郎轉戰不肯下
五字堅城亦愁破我時臨陣免冠謝兵氣不揚真輒懦
歸來重整晉三駕便思一雪軍威挫忽忽草檄張四座
入蔡大功成雪夜

雪霽陪顧南雅先生洪介亭前輩謝向亭同年登
陶然亭呈顧先生

尺五城南總近天雪消官樹見蒼然殘年車馬如流
水舊日鵝鸞本列仙知己快逢千載上及門猶附五雲
邊

向亭以第二人及第
同出顧先生門下

辦香別後殷勤祝願繞茲亭佛座蓮

三十初度自訟

庚午正月都門作

古人重事親出入先孝弟汝無升斗養曾不問家計讀書交遊始婚娶衣食備辛苦親獨嘗何事與汝事汝力不勝耕親則推食食汝弱體惡寒親則解衣衣汝性劣好嬉親教汝識字辛苦親備嘗有汝三十歲古人重立身不以窮達異抗懷慕唐虞力學務經濟方其陋巷中原憲履可曳慷慨梁甫吟高歌動天地汝才中下資濶畧多遠志少慕陳同甫大言無顧忌又喜東方生譎詐弄狡獪方其困蓬蒿任汝高論議倘假尺寸柄何以謝當世又聞古人學學貫天人際爲已不爲人實至名乃至汝以干祿心僥倖求自試一舉領鄉薦再上列上第

又無專一心餘事誇多藝虛聲動王公苟且博名位汝
視環堵中白髮今幾輩窮年通一經于汝則猶未汝生
無弟兄門戶苦衰墜老親尤愛暱汝外惟汝妹汝妹已
適人汝身復在外今日堂上歡何人勸親醉汝妻病在
牀親側誰與侍愛婦親則勞瑣屑代中饋二子一尚小
出門甫周晬兒嬉逃學歸兒飢索餅餌一如汝幼時兩
世足親累人生要忠孝豈獨苟富貴翰林職清顯報稱
知不易卽今方改外重以民社寄專城領大邑何以飾
吏治汝年已三十勉旃行作吏後日不可知自訟益自
愧

富春相國師以石谷麓臺山水二幀贈行賦此誌

謝

門外車馬閒松籟忽到耳離憂正填胸展翫乃失喜瓊
函裝鈿軸竟幅三尺紙一爲司農筆一署石谷子丹青
渲林巒粉墨界雲水名蹟重國初華亭讓專美吾師
家學富餘事通畫理文恪公及相國師皆通六法繪藻日月手揮翰壓
庸史樞庭夜退直鄉夢富春里摩挲萬琳瑯縑素堆斐
几從遊學皴染湘管禿鼠尾朝爽生西山拄笏領微旨
翻然顧謂倬小子頗解此南轅促選人遠別從此始行
看愷之廚化作簿書委縹囊解投贈德意安可擬持歸
戒童僕寒具手應洗青山移我情挂壁驚仰視明晨當
俶裝破硯壓行李從此米家船滄江白虹起

趙北口

長橋蜿蜒臥雌霓
蹀躞雄關趁馬蹏
沙際行人聚鐙火
蘆根淺水宅鳬鷺
直沽風雪經春暖
析木星辰傍海低
比較吾鄉好風景
畧如蘇白二公隄

再過泰安謁岱廟

千峰積元氣萬古奠真形
香案曾親侍丹梯此再經
登封紀秦漢享祀配云亭
却望天門迴蒼然未了青

嘉和庵中成興開
雌隄真州廂舍

是程堂集卷第十

秣陵陶士立仿宋書王日華董刊

是程堂集卷第十一

錢塘屠倬孟昭

攝山棲霞寺三首

茲山無盡藏默會坐終日林壑千萬姿秋氣鑿削出泉
枯竅洩雲鬱拱峰卓筆偃松胎茯苓葆此千歲質寺門
橋徑度苔滑不受櫛房廊錯簷階合抱肘護膝人天大
經營締構此禪室想見萬靈趨嵩呼趺
清蹕

心夷華嶠平境遠神識超昨來庭趨客挂笏及晨朝十
年住山身塵慮未全消遂使雲中鶴鍛翮墮九霄千載
明徵君棲遯不可招區區捨宅地身晦跡更昭宋齊霸

圖遠瞬息石火燦尚餘門前樹山僧挂團瓢

顛崖跨千疊浪涌不肯平永懷江湖興已泯風濤驚松
聲鼓澎湃挾山與之爭而我方隱几御風想蓬瀛攀躋
苦脚力晏坐怡物情花因供佛拈草爲坐禪生勞生昔
已悔世網今更櫻誰能相慰藉窗前鳥嚶鳴

闡中喜晤陳白雲先生

捧檄江南近譚經弟子陪文章三代後鐙火十年來往
日曾煨芋西風又踏槐論心同白水拂帽有黃埃腐鼠
誰能嚇猶龍我欲猜相逢鬚鬢改惜別雨風催秋浦吟
新什蕪城寄古哀涼宵頻翦燭鎖院且銜杯歸憶蓴羹
美貧商鶴料裁承家留蠹簡潔志咏蘭陔晏坐心期共

滄江波浪開後時懷德業九子望崔嵬

臨江樓和桂香東侍郎

使星高處指奎躔尚許洪厓笑拍肩樓閣空明一江水
風雲開闔兩詩篇難忘鸞鶴天邊侶待埽鯨鯢海上烟
回首成連倘相引風濤呼洶入哀絃

樸樹灣

杳靄湖光瀉碧空片雲牽惹苻絲中中宵把酒此明月
舟里挂帆初順風說理倘教僮僕解快心難得歲時豐
秋心澹極饒生意一路長隄開水漲

自題小影

也騎劣馬臂秋鷹也縛芒鞋策瘦藤位置此身都未得

不成豪士不成僧

李子仙

福

郭頻伽查梅史沈小宛王菊人

毓吳同

時過訪真州遂偕遊北山寺觀壁間王逢原題

句次韻

江天戢影冥鴻遠梵唄停空怖鴿安身世暫拋雙屐外
圓明只現一毛端碧紗籠取詩壁在拄杖導出山泉寒

寺有池名白蓮池

後七百年人屬和却應老佛點頭看

同諸公疊前韻

繞郭烟低茅舍近過江風定布帆安客生野鳥窺檐隙
窗煖癡蠅聚筆端酒力易消同宦薄詩才漸退學僧寒
南徐山色青何限手版偷閒拄頰看

歸歛縣齋再同諸公疊前韻

公等肯來尋傲吏入門各問老親安
遊踪願化雲龍逐詩卷都成錦繡端
便覺年華流水似得無猿鶴故山寒
獨醒衆醉何知許付與尊前一例看

翫晚開菊

野興耽孤詠餘花賸獨看
對人偏兀傲得氣在高寒
酒耐深深酌秋還漸漸闌
井華親手汲分注瓦盆乾

攝山道中口占

平遠溪山只眼前
偶逢佳處一周旋
不知歷險捫幽客
踏得芒鞋幾兩穿

晚至京口

京口三山立淮南萬舶通江空初作雪帆定不知風凍
羽沙禽伏飛夢佛塔崇壯懷銷急景津鼓響籠銅

懷都下諸友人

旅雁叫霜月孤鳴愁更深天涯同是客江上可無琴水
落寒沙濶風高戍鼓沈低徊念京國殘夢易相尋

渡江中流望北岸桃花極盛與夏慈仲上舍

寶晉

舟中聯句

漲痕欲縮江沙平海門昨夜春潮生綠楊城郭出瓜步
俾十里不見花光明

真州新城桃花可十餘里因夜半出城未見

天風吹夢落江

月

寶晉

舵樓忽閃朝霞頽揚舲正好風日美

俾

結伴不寒

鷗鷺盟江醅發綠釀醉色

寶晉

山髻埽黛愁霏英金焦入

望洗雙眼倬雲水盪胸消宿醒中流十幅布帆滿晉斷
岸一髮汀沙紫前村後村望不極倬千樹百樹蹊自成
大江南北總春色晉萬桃花外漁舸橫麴塵潑火笑初
日倬絳跼坵萼騎新晴啜波魚跳錦鱗活晉踏枝鶯弄
圓吭輕異時倘入陶令記倬此段不減天台行尋春未
可惜遲暮晉得句聊復停飛觥揚州栽花舊成俗誰歎
叱犢看春耕倬

曉渡京口不得一登金山慈仲作詩見示走筆依

韻和之

我生航遊苦不足夢中昨到三神山天風浩盪忽引却
但見白雲蒼蒼橫九關蓬萊上真顧我笑且語此行小

謫未可愁心顏東南自足山水窟俾汝管領來人間江
流日東去白日不肯閒妙高峰頭立元鶴引吭問我何
時還金庭玉階聳百尺下視世路跼踖行步艱鞭笞亦
到鳳鸞背坐令皮骨成癡頑長風振衣落塵寰雲深磴
絕不可攀洪濤深阻山鳥泣玉女爲我愁絕低烟鬟江
草分芊綿江花分色殷樓臺晃耀動朝日一瞬變滅天
何慳君不見松篁巖壑森聳而竄篠何當振衣絕頂手
把荆榛蘿蔓一一當門刪

和慈仲聞笛

窗紗低掩春雲薄角枕愁聽夜雨闌壓笛聲殘重按拍
燭花吹落酒波寒

塗求履迹不是工學步形似而神漓刻鵠乃成鷺至人
託虛無萬事無倚著莊生濠上游非魚知魚樂

梟徒橫

淮南百萬鹽都向真州掣官引苦滯銷那得梟徒滅梟
徒多如毛淮鹽白于雪梟徒橫莫當百姓不敢說請官
說梟徒梟徒橫何如人言梟徒橫官憫梟徒愚君不見
樸樹灣紗帽洲官兵緝私挨戶搜又不見辰州蠻巴杆
老梟徒性命賤如草爾非生來作梟徒利之所在人必
趨江邊有田爾肯種縣官爲爾捐犁鋤

題潘朗齋刺史東閣官梅圖

香凝燕寢紅羅愁冰蟾齧玉夜不休凌風却月鞠蕪蔓

幾時復見何郎遊水部閒情寄官閣舊址烟花古梅落
種花仙令有河陽鑠窗消息巡檐索人間有脚是陽春
春去揚州手植存即今鶴斃黃樓客猶是平山載酒人
舊遊忽忽欲成夢玉笛江城幾回弄開卷渾疑絳雪飛
飛來紙上瓊英重真州春色似揚州江千古梅趙宋留
何日尋春邀五馬簪花吟徧白沙洲

朗齋品劔圖

三尺吳鉤白練寒隔紗虹影燭花彈倩誰屈作團藥鏡
天上蛾眉相對看

題繆香山徵士詩卷二首

動足真成五嶽遊日窮溫帶海西頭鄒枚賓客風騷選

立馬高吟漢代秋

高臥依然鐵甕城黃門早已賦西征弓旌不換山林志
芟服荷衣頌太平

湘靈峰圖

并序

石榮園舊物蘆碕竹漾間歸然屹立日與薜蘿
山鬼相守也阮中丞師爲題今名大書鐫刻其
上伊墨卿守揚時來觀題名石於是晦而復顯
矣周子松泉爲余圖其狀聊繫一詩

真州城西三丈石烟鬟淨沐江天濤沙頭寒月爲誰白
清夜佩聲聞漢皋

就竹亭詩

并記

余平生獨愛竹二十歲前家居讀書則手植蘇
齋之前購小奇礪伴之辛酉習靜山寺葺屋數
椽前後皆種竹名之曰小檀藥室坐臥其處凡
六年繼官京師先客梅龕郎中所名園花木不
乏此君後一年僦居米市胡同獨無竹方欲取
西山龍孫補之古藤花下旋以改外中止庚午
夏來真州沙田潮汐性與竹宜官舍多隙地蓋
無處非竹矣爰即竹所構亭名之曰就竹維昔
淵明之菊茂叔之蓮和靖之梅花流連詠歌若
有獨嗜而愛竹則稱子猷今余之於竹嗜好出
天性既嘗詠之圖之師之友之復構亭以就之

臨清風與之俱笑酌美醞與之俱醉將不啻侯
封千戶又何論饒太守胸中千畝耶雖然彼菊
與蓮與梅視竹等也今同嗜者不獨淵明茂叔
和靖子猷也而顧專屬之以爲美譚者豈不以
其人哉余嗜竹同子猷特不知後世視余於子
猷何如耳余不能自知而竹之德則可言故爲
之記復爲詩以頌云

中虛本無心外直乃多節出土縛錦綳頭角已奇崛維
竹具衆妙材美東南軼峩峩玉筍班早附君子列蟄雷
夜來驚體執尋丈揭孤標上薄雲貞操堅耐雪物生貴
適用匪徒耳目悅實供鳳凰餐筒協伶倫律削簡傳詩

書汗青紀功烈厥貢揚州先比德淇水潔昨者筮得震
卦象差可說是爲蒼筤竹亭道協貞吉築亭西南隅拓
地一畝劣翳薈稍刻除風雨助騷屑左右各粲然枕簟
復清絕尚友懷古人把臂晉賢七旣以名吾亭詩之以
紀實他日釣耶溪一竿聊可截

題自畫障子

海內文章非畫師眉山妙墨涪翁知幼輿胸中好邱壑
未許俗工來指麾松巔泠泠天籟作空山猿啼風墜蘂
請從物外得斯人亭子草元人帶索

偶吟

木瓜江縣酒白苧野人衣坐久林亭晚春深草木肥世

情閒處覺吟事病來稀幾處秧歌動豐年有善機

龍潭道上望句曲諸山

青山百疊界鄰封緩轡爭迎夾道松我欲誅茅來已晚
茅家兄弟占三峰

寶華山二絕句

漁梁片石橫僧房亂雪裏竹鼬偷笋苗山蜂抱花朵
冥搜天地窄晏坐天地寬山中白石爛枯井作波瀾
劉芙初太史省親南還枉道見訪却贈

念切慈闈遠身辭魏闕高翦鐙還此夜負米敢言勞
離思如風雨吾生任桔槔相看各親老髮短不禁搔
就竹亭夜坐

長和先生集卷二
竹間亭子受風多
麋眼籬疎障女蘿
夜氣空明浮几榻
柳陰深淺隔星河

同王小獻壩
受積堂夏慈仲東郭水亭看荷花以
初日芙蓉分韻得芙字

江城一角亭館蕪陂塘占盡東南隅
種魚千頭不滿租
繞郭萬頃栽紅芙
中有亭亭之雙杼
花開十丈不用扶
凌波對照回清矚
從者如雲皆絕殊
蕭蕭撼撼搖青蘆
露零光膩紅羅襦
赤欄橋低碣岸紆
浴波而立鵝鵲雛
綠楊陰中置行廚
片席坐近花間鋪
碧筒酒冽手自斟
飮盤雪藕如臂麤
竭來此樂經年無
佳客况有三人俱
潮痕一洗沙田淤
江鄉洵樂民氣舒

和積堂蓉字韻

憑闌手把玉芙蓉翠蓋珠傾墜露濃並蒂風情諧宿鷺
有並蒂花一枝妙香世界屬涼蛩涉江歌罷餘清怨結夏年來少
定蹤十里野塘雙蠟屐先生今日稱疎慵

立秋夜宿郡城文昌道院聞秋風甚壯時方禱雨
祝融停鑪火龍繫赤雲歛空作山立金生火老威未戢
殘暑令人氣光惱蛇醫不靈老巫急田禾枯焦縣官泣
夜來星符下東井那得南箕走持牒齋宮三宿城南偏
道人許借匡牀眠刁刁調調感秋氣兩株梧桐得最先
一梧微吟枝穴竅中庭挺立雙扉鍵一梧倚牆和且嘯
商聲力軋大塊旋孤懷虛警毛髮聳熱鬱洗滌肝腸煎

石壇薜砌學罡步仰視七炁迴星躔

縣城周九里皆平田野圃廨舍亦多隙地課力輩
雜藝蔬果快然有詠

瓜壺經雨熟雲物向秋明健飯且蔬食灌園聊意行家
山幾年別身世一官輕差有幽風意蒼涼斗大城

城北僧舍看桂花

淮南桂之樹城北寺中開月最今宵白僧攜濁酒來入
天同講席雲霧鬱香臺萬古無生滅枝柯積寸苔

同日得樸齋文秋白青士秋嵐雪香尺魚小湖和
甫諸君書却寄

瓜埠潮生候朱絃張我琴樟亭潮落夜尺素寫君心各

有升沈感更誰憂患深夔蛇自憐惜一讀一沈吟

秋水庵次慈仲韻

僧房全護竹江水半通城剖篋修魚畝然箕帚豆棚雁
來知雪意潮落減秋聲泥飲招田父相於不世情

高枕

高枕滄江上官齋未是家風林梳積葉霜菊慰孤花歸
夢宵來警塵襟宦後賒壯心驚櫪馬城上起悲笳

題閨

貞

畫攬鏡仕女

顧影弄姿首妍媸還自知團藥明鏡在不敢怨芳時

真州古蹟六首

魏文帝東巡臺

銜刀未是渡江時橫槩家風此賦詩
繩子裘空頌北闕雀頭香不貢東陲
竟難刻石追金虎尚欲投鞭有佛狸
却問紫髯應齒冷大風歌起鄴臺悲

迎鑾鎮

石頭城下令公來江神踏浪朱幡開
豹尾車中作天子那及開門節度使
望塵執版趨從官龍驤萬斛長風駛
葛鐙麻拂田舍翁此日富貴將毋同
富貴斯須燕巢幕焦梨狗子齧斷索
橫刀猶憶黑雲都轉眼宣明面目殊
紫蓋黃旗空復爾布衣可得歸丹徒
錦帆莫道軍容盛却送還旌笳鼓競
此座可惜當付誰白髮有人愁攬鏡
挾花瑟瑟荒江流奈何帝叫鍾山秋

文丞相祠

清邊堂內疑秦謀幕府山前泣楚囚猶有孤城能死守
不知滄海已橫流寒潮瓜步真遺恨曉日扶桑與訴愁
愧煞絃歌將父老心香一瓣望神游

苗宣撫祠

降幡飛鞚走吳門尺土長鯨未敢吞斫石此心堅霍弋
登壇遺恨失劉琨紙鳶墮地蕪城血泥馬橫江杜宇魂
太息此邦經百戰英風想象薦芳蓀

郝信使被留處

北方稱學者輶車入淮服言尋叔姪盟實造蒼生福亡
宋有鴟梟佳兵掩敗衄恐發孫歆妄將同田順戮不遂

魯連謀竟致鍾儀辱充廷沮鳳翔杜戶窘蠶縮皓首十
六年吞聲向土屋班馬嘶秋風賓鴻度陽谷繫帛送歸
心握節絕還轂天道屏幽閒著作窮卷軸吁嗟冰玉姿
南北刺奸目郝公在元亦爲
王文統所忌斯邦寧非幸偉蹟留芬郁庶
圖屈原廟同薦寒泉菊

靖南侯黃忠桓公墓

豹死留皮處長歌鐵裯襠骨青棲箭鏃燐碧鬬星芒披
髮呼留贊揮刀突鄧羌一坏猶淺土太息酹斜陽

題石谷上人松風水月小像

松風聲何來水月影無著風月了不知聲影還自作何
地無風月豈與松水約松水之所遭聲影之所託人生

萬因緣即此風月若譬之我與師相識已如昨念彼未
識時豈不兩寂寞使終不相識萬古長冥漠無心一相
遭此義今了却吾詩即聲影非耳目可索吾師即風月
匪思議可度離却松水緣風月自落落願從真實境解
此大束縛

題寄公小像

阿師安穩住松寮我却天涯慣打包聽說十年前面壁
台山深處小團茅

空山古月坐深深放大光明照此心何日浮杯渡江去
眼前巖壑太奇欽

喜小宛至次慈仲韻

荻花楓葉似潯陽江上秋風作意強詩體我猶操越客
宦遊身不出吳鄉鑿楹萬卷搜殘蠹插帽孤花證晚香
差喜酒人相慰藉寒宵收拾置糟牀

案牘塵封費部居又添詩事待分疏新圖好繪苗謙說
荒政誰編董煟書山寺舊遊招白社賓僚勝賞壓黃初
先生腰瘦難騎鶴只合超騎明月蜍

同小宛小獻積堂慈仲重遊北山寺再用王逢原
韻

雪意滿城知寺迴機聲比戶想民安簿書堆裏抽姚合
臺閣編中謝李端落日人嫌紅葉少遙天雁訴白雲寒
穉郎疇昔尋詩地壞壁殘碑與細看

至日京口作

坐擁寒鑪手畫灰飛騰短景隔宵迴雪遲菜把齊抽甲
冬暖梅花早結胎官舫一鐙詩思瘦江城百里雁聲哀
高歌未闋風濤作賺得魚龍出水來

子修作釋子像題二絕句

軟塵插脚住無住壞衲袒肩來處來何日同修釋迦譜
提羅花下講壇開

詩如食蜜徹中邊不落人間有漏禪勝力自應當七地
譚鋒不合讓彌天

再至京口宿道院題壁

出門便作挂單僧坐上胡牀不摸稜鐘定戴公山下雨

風搖揚子縣中鐙酒泉乞郡知難必陽羨無田歸未能
纔脫脚韉拋手版曙雅多事惱晨興

三詣京口夜寒作雪書此

江風犀銛裂襟袖凍雲擘絮衣褶縐道人夜開禮斗壇
許我衝寒一宵僦竹邊支鐙細鳴蚓地上熟鑪紅踞獸
江寬風緊紙閣低却好嵌厓此雲構夜來踏被眠不熟
夢拗寒梅一枝顛心憐老農望雪殷起視江天數殘漏

曉起見雪

縣中禱雪已三日昨日出門天尚晴臥起江干夢初覺
拓開閣子眼雙明踏枝凍鵲竹森立斷渡顛風帆貼平
聽說白沙三萬戶歡聲不減潤州城

縣中人來報夜來
微雪亦四寸

順風沂江行歷一時已抵黃連港

一炊頃許五十里七字吟成三百觴雪岸明如玉帶繞
風帆滿似角弓張寒林聚墨翻鴉背遠塔撐空阻雁行
顧盼中流渾不定雲山城郭兩低昂

雪霽

窗櫺滿虛白眼界大光明茶熟黨家伎履穿東郭生南
唐布衣來見風光轉農舍春意動江城下考催科拙殘年少
哭聲

丹徒唐布衣

玉

年七十八矣以詩二卷渡江來見

曰願得一言無他求余讀其詩既工而執禮又
甚下也報以此詩

一權詩瓢破曉烟思將好句入鳴絃清名汐社同唐珏
今體吳門見皎然稚子放牛稱過客老人判牒託鄰廛
百城多愧龍門望不僅邪溪父老傳

平海詩上官保制府百公五十韻

聖世標銅柱元臣運玉樞狼荒重譯使麟閣中興圖往
日颺遊艇潢池弄獷徒橫裙裁獨力花項走都廬斷割
傾商賤通關勒市租烏衣裝艦出鬼彈帶鈴呼宗慤經
乘浪梁龍劇伏辜桔槔官舫碎旌節將星孤金自輸楊
邁魚傷化仲都駛帆同負鰲柁杙又鳴狐賈父來何暮
孫恩走欲無褰裳觀竹馬來轂捧香鑪成竹羅兵甲如
山湧舳艫帛蘭麾羽扇渾脫拔螯弧緇鳥船三匝駕鵞

陣四隅兩甄分士變十邊募劉胡章奏除頭蝨勲庸出
手盧鰲擊已窮寇躡鞭石善神驅血灑鯨波沸雷轟蜃氣
枯刀輪飛颶母盾鼻叩精夫莽莽欣飛哨齎齎塗毒抱
礮臺支蟹罍毬仗折鰓鬚趙姬山中屐王頎島上襦舉
烽連北景負弩到西干傳苴焦櫜柱捩矛仆負嵎髑髏
紛注槩鱗鬣駭摧箴桑落洲雖逸縻泠究莫逋稍寬蘇
定法不追杜弢誅下馬歌旋凱椎牛晏賜酺紅塵馳露
布白板喚提壺廳事羊銜穀津亭虬抱珠百年腥淨洗
萬里鏡平鋪鵲隊寧愁餓蠓亭已釋俘任榛開棘道黃
峒扑康衢此輩鴟音革伊予黍雨濡陶璜恩浹洽呂岱
志勤劬報政公稱最疇功

帝曰俞龍光臺省餞虎拜

殿庭扶殊禮貂蟬帖前騶班劒趨傳鉤來白燕

授算繼丹雘

公年六十四矣始舉一子
首取健旺長成之意即日

上賜名扎拉芬有
欽賜舉人寵眷優渥尤

曠典異
數也

鼎正鹽梅倚門猶筦籥須車轡參瑞鹿戟架候慈

烏東府重移節宣房更佩符鯁生慚刻鵠下土借乘鳧
豈意門牆峻先矜盼睠殊六條推肺腑一節飾侏儒撫
字循綱紀時雍贊典謨東南同漢律江海播吳歆偉績
深銘石清風陋握觚迴看滄海色五朵慶雲敷

江寒草堂書壁

半庭花竹兩年栽幾處軒楹特地開隨手荆榛刪畧盡
得閒杯杓勸教來彈成流水饒歸興拋却名山爲吏才

不信枯桐已焦尾賞音猶許作琴材

謂制府詩
溪先生

凍梅

孤芳自矜許春到不全開枝亞抱寒月泥深積古苔
雲江上聲病鶴雪邊偃昨夢披風帽空山蠟屐回

除夜偶作

風雪重簾晏坐深中年歲月已駸駸希文心事同憂樂
清獻風流寄鶴琴何以代耕謀祿養未能寡欲笑書淫
宋梅花與湘靈石添取江城刻燭吟

是程堂集卷第十一

嘉慶中戊辰開
雕於真州府舍

秣陵陶士立仿宋書王自華董刊

是程堂集卷第十二

錢塘屠倬孟昭

壬申元日侍 二親宴退書庭訓

春風動江甸雨雪送殘臘簷端放初晴雲坼如破衲新年吏散衙許我庭戶闔二寸官燭紅一埽文案雜僮僕吉語多賓從簪屨盍檢點到尊罍拂拭安几榻圍鑪擁芳筵重簾護深閤味冽盤薦辛香溢菜拆甲老親顧之喜扶杖語笑洽提攜兩稚孫彩勝丫髻插親言我跪聆祖德期仰答起家自田間黽勉懷素業百年門戶舊幾世宗鄰舍田園供歲祭早辦租稅納幸茲樂 昇平生不識符牒飽飯麤布衣垂老差足給生成固天畀俯仰

求自立早年客燕秦豈不戀鄉邑通塞理則同報稱思
所急一官無尊卑骨肉

思已泱泱

恩被一家家且兩世及

已已

加一級爲

萬壽聖恩傳以庶吉士在京得
祖父父母父母請六品

封典

僕馬衣食需何一非祿入勉茲夙夜心戒爾晏安習老
懷我自怡衰白未七十兒聞親語竟一一方寸攝終身
修省資甘苦出歷涉再拜進一觴沆瀣浮玉粒康寧福
壽身溫霽上頤頰

出郭

風光媚心力水態滌塵容禽語早春嬾馬蹄殘雪鬆江
雲開曙旭村寺遞鄰鐘今歲知宜麥吾先賀老農

壽少司寇秦先生七十四首

山高而水長奉此冰玉叟懸車勇在先稱觴繼其後仕
宦四十年堂印已綰肘敷歷徧中外大旆擁趨走脫簪
歸舊廬一貧故相守獻歲羅子孫高歌祝黃耆既無疏
仲金何者持稱壽盤傳七種羹尊剩屠麻酒淪以水引
餅芼以早春韭醪醪玉池肥盎盎素雲厚先生自歡然
佳客亦鼓缶汝南健步來雞黍竟辦否

海內稱古文桐城推姚丈

姬傳先生

先生靳而驂風流迭宏

獎歸然二老翁蔚爲東南長士幸生其時代斗此宗仰
從遊倘及門宏鐘無細響先生尚閉關來學義無往惟
應造太邱文若偕攜杖兼金孰爲壽折杭故無饒一屐

二十年春風笑書幌皓月中天看名字懸逾朗道德與文章不朽公善養

賤子辱公知屈指歷年歲陟軒一披榛謂此是蘭蕙前
年走長安非止覬科第丈人夙親昵古賢厚激勵沈公
發策對蘇子陳詩祭頗見此客否談深燭花翳作賦非
壯夫行歌仍俗吏棟花雜雨絲驅車把別袂公言子往
矣我亦辦歸計吳會一水間故事修春禊從政苦未閒
杖屨安得侍不執下官版竊效門生贄束脯與壺觴獻
春祝豈弟

古人迹相慕白公後有蘇兩公思宦轍尤憶在西湖先
生試揚權名位兩無殊白公先歸洛蘇乃投海隅渺然

山水窟清夢空縈紆先生倘致念籃輿近可扶昔年擁
入騶兒童尚歡呼今時造巾屨魚鳥尤清娛行窩足安
樂歌思雜吳歆賤子釋耕耒折腰厭庭趨行當投劾去
一棹循菰蘆起舞爲公壽春風喚提壺

送貴仲符觀察入都

列宿中台映斗南除書再起動征驂銓曹故事黃扉舊
直指巡疆繡斧嚴珂里十年宣雅奏掖垣五夜話朝參
虹橋畫舫平山路如此烟波未暇耽

專家漢學輔通經道在崇儒更恤刑赤制章符看列戟
紫泥姓氏待

書屏玉河春迓千條柳美稷人占一道星媿我弦歌附

桑梓讌遊曾上綠莎廳

春寒同樂蓮裳夏慈仲作

清寒貫詩骨十日不肯醒晨光約虛檐濶絕江天暝土膏已潛活勾芒未全青故知闕春色一氣胎衆形切空雲陰低收束彌空庭領之以枯坐淒緊如郊垌孤懷惱梅花擁袂一室局老竹太放顛嘯破窗紙懦天心省時節江遠春冥冥及茲朝睡足且注雙玉瓶

爲蓮裳作小畫竟偶憶丙寅春暮君由錢塘還臨川訪余清平山中余畫便面贈行君過嚴灘却寄余三詩今此畫卽寫富春山色振觸舊事并題一絕

偶拈秃筆寫江天詩事重尋已八年行色十分憑說與
畫眉啼徹萬山烟

準提庵古梅歌

豐山古梅傳杜默笥河先生曾刻石鑿江梅說趙宋年

證以中丞近題額

庵門有阮中丞師書近魂宋梅花院額縣志載康熙中梅死四十餘年復活故亦稱返魂梅云

鑿江梅樹吾能歌未許豐山擅高格此間父老八十翁
及見此花身世隔江光沈沈切空白寒潮激根沙水碧
元精一洩太古春宿世尚托空王宅天心再見易之復
瑤闕重遊帝所敕清臞骨相超死生翠羽枝頭叫殘魄
竭來香界聞妙香香清色清韻清極虛無詩夢破孤迴
拂拭琴絃寫沖寂更誰觀心槁木如而驗此身元氣積

箇中消息自迴幹劫外冰霜聊戲劇詩成我待語梅花

風雨江天迷鶴迹

連日雨甚欲訪梅未果先作此詩

同蓮裳慈仲準提庵觀梅還憩余氏園

未來真州聽說此直爲梅花了生死兩年閒煞江南春
此度真成看花矣林家風月孤山孤張家玉照空南湖
故鄉無復宋梅在此行不負真州居根邊枯槎一半枯
橫斜八幹同一株有客有客共明月仙乎仙乎逢彼姝
前身已換僧臘古幾生修到依淨土化身乞得丈六身
怪底滿身著花雨聰明自是淨冰雪荒遠何曾墮榛莽
不知東閣兩株梅可是此花之鼻祖東風吹花花正繁
古香閣上開清尊夕陽歸路更何處白沙翠竹江邊村

主兩
君家

呪筭莫教成竹燒豬去約顛公一夜南山雷雨攜鋤劓

徧雲中

詩僧禪一號小顛年七十餘矣住南屏萬峰山房小湖濱讀書於此山多竹筍時輒攜酒相過酌顛公賦詩信宿

蓮社幾年結得匡山何日歸乎茗枕香鑪劔匣經生俠

客酒徒

歲辛酉讀書清平山之小檀藥室胡秋白范小湖及余三人壬戌癸亥查梅史及積堂來凡五人奚鐵生王荃畦爲作圖記之

甲子四君去陳白雲先生講學于此余與宋仲海沈筠虛諸君從遊乙丑白雲先生梅史及余皆入都丙寅余偕詩王年復居此至丁卯再入都而諸君遂無復居此者蓋

余先後居此凡六年

清波門外春遠寒食墳頭酒澆病榻畫禪詩藁十年前

事今宵

奚鐵生徵君歿於癸亥十一月病中以詩稿授子榻前中有題畫絕句一小冊界烏絲闌精楷書之乙丑余入都以詩付湯少

府點山上梓以此冊貽許庶常青士徵君歿無子友人余慈柏汪楓谷諸君歲時祭其墓余自奔走四方愧勿得與益用撫然耳

篋中古樸詩篇約畧記年趙宋後來故事應忝留取一

梧手種

小檀藥室門外有宋樸一株余山居時結詩社徵君朱青湖先生開泉明經胡書農太史查梅史明府潘紅茶侍御胡秋白蔣

葆存兩廣文許青士太史范小湖及積堂兩上舍及余皆賦詩又手植梧桐一初纔及簷今且高出尋丈梅史序書農記皆及之而余獨未有言迄

今時復

繫念

馴鹿莊中父子昆誥堂前弟兄兩度去尋鷗侶全家都

入詩盟

黃丈退庵令嗣霽青編修思未上舍居魏塘郭頻伽丹叔亦由吳江奉母卜居於此西家詩名重浙西余交黃郭父子兄弟間

十年凡兩過魏塘訪之有交泛圖詠紀事去年霽青以女許字余長子則又頻伽渡江作寒修也

作吏又真州郡舊遊憶六一堂俯仰平生知己伊汀州

守維揚

乙丑余識伊墨卿太守京師丙寅遊揚州訪之獨以國士見待每夜深必遣僕相約勿睡公事畢輒邀過劇譚慷慨平生俯仰

時事不以書生迂之也昔人云賤日豈殊眾則其知我益可念云

感極樸齋司馬禪心俠骨酒腸脫手萬金揮盡一筇一

笠尋常

姜丈樸齋工詩嗜酒善哭喪死獨居一室垂二十年家僅溫飽頗篤交遊嘗以五百金貸梅史二千金假積堂皆寒士也往時

余家中落里中戚友爭索通
無通財者丈屢出千金周急

青衫淚濕何處崔九堂前聽歌大酒肥羊社裏少年英

氣銷磨

囊余與李白樓江石如仇又村周松泉張芎田張桂峰諸君放浪湖山間縱酒歌詩相豪崔九者揚州女郎以歌檀西冷云

沽酒楓林半落行田秋稻纔黃青山死便埋骨痛煞西

鄰沈郎

山陰沈筠處孝廉與余比屋居孝廉嗜酒余每渡江收租日就孝廉飲孝廉竟死於酒

一角山師馬遠沒骨花數黃筌眼中尺幅千里臥遊都

化雲烟

吾鄉自奚徵君以畫名一時同時工此者雲起花升則推江石如顧西梅余慈柏汪米山裴某雪山水則高丈遠庵汪栗田姚

修白徐西澗朱閑泉周松泉陳曼生此外能手復十餘人皆瀟逸可喜余亦遊諸君間徧交之好事者往往置酒邀集出長卷合作人各一段以雲

木泉石相聯絡若出一手最快絕也今曼生修白及余皆宦遊四方而某雪閑泉松泉亦時時外出高丈則里居多病不知諸君筆墨之會尚復如

翼日極

盛否

雪瀑瀉分雙澗巖花吹老餘春夜半瑤琴橫膝西山招

隱何人

白神庵在雲隱最深處禪誦幽寂須鳥馴狎奇峰百仞修竹萬个嘗擬結廬其間尤憶月夜與施石樵徐西澗查丙塘施辛蘿

范小湖朱閑泉蔣蓀存周冲泉信宿僧寮聽丙塘冲泉彈琴余與辛蘿葆存小湖各舉古人姓名二字四十筆以上者二百餘人以相考証今則學日荒落不復能記憶矣

刺船誰迎海上橫經曾立雪中餘藝漫分柳惲雕蟲已

悔揚雄

余弱冠從白雲陳先生遊受經史古文詞之學繼交郭頻伽查梅史二君稍通詩法繪事則手摹奚丈鐵生篆隸金石則心折

陳曼生陳秋堂迄今都無成就擬遂廢棄而平生師友之益不敢忘也

門前長者車轍坐上春風酒杯好繼延年五詠那堪少

陵八哀

余自戊午迄丁卯十年間伏處鄉里所嘗以文字受知諸先達名宿吾鄉則梁山舟吳穀人朱青湖潘德園何春渚魏春松宋

茗香諸先生于吳中則錢辛楣宮詹而王述庵侍郎方主講敷文書院洪稚存太史則時遊西泠得與文酒之會阮雲臺先生視學浙中以俸古學擢取特加賞識漕帥許秋岩先生少司寇劉誠甫先生前官浙江時皆以文字受知特厚今則梁許阮吳魏五先生正康強無恙而歿者已八人云
雲夢氣吞八九弱水飛度三千一夜雞聲起舞兩人各

近中年

余與小湖同塾學年十二君年十三各以功名氣節相期許也嘗憶十七八時夢與小湖登一山奇峰拔雲洪濤撼麓旭日初

上天宇澄霽得詩二句云到此已無山在上與君同向日邊來醒而述之相與慷慨自負今余浮沈下吏而小湖猶困諸生忽忽已過三十矣

杜門却埽何事不疾維摩後身天上少微星在只教瞞

了世人

吾鄉單斗南先生古文詩歌追古人顧不輕與人交四方名士無由知之其論文不輕許可里中後生亦無能仰企之者五十

後逃於禪盡焚其所作文字足不出戶限者逾二十年老無子以某姓子爲子既復命其祝髮服僧服日侍禪誦今且十年爲益奇也余每詣先生獨許余詩嘗賦五言三章贈之先生晚自號華藏居士云

煎茶

土銼松風兩鬢烟一甌清醒劇妨眠頗參坡老瓶笙意
不續彌明石鼎篇養到華滋交水火味回甘苦徹中邊
旗槍焙出龍泓澗夢落湖山試茗天

飲舟中口占

食單說與晚來添笋蕨盤殮畧要兼淮白魚肥河鯉賤
只嫌酒味百花甜

淮陰二絕句

春色無多上柳梢如何春水漫平橋故應幾日通宵雨
漲入淮城不肯消

茅檐畧識此鄉貧白髮扶犁兩足皴過客據鞍忙款語
獎他辛苦勸旁人

淮上阻風

自江達於淮十日篷底坐風北舟自南春色愁煞我飛
燕濕一雙寒花禁幾朵平頭稚柳黃嬌女初翦鬢雨絲
織柳絲拂拂時挽柁滯留不得前僵臥計亦左百丈牽

十夫斃躡如鼉跛倦眼終日昏取醉煩白墮舍舟會登
陸無車馬亦可時覓肩輿不得擬策騎行簡書迫王程雙鬢塵垢埋

聞李家樓工竣喜作

淮清黃流濁淮弱黃力猛百年廢宣防迎距翻合併洪
波駕長風悍極河伯騁一線掣單隄那不成溟滓去年
蕭碭決千里同泛梗悲風新鬼哭白日哀鴻警

帝命制府來奠我東南境萬言治河書一讀一悲哽嚴
冬風雪虐櫛沐憂思怏畚鍤先丁男萬姓一手拯昨來
聞合龍感歎匪天幸自非忠信孚那得鯨鱣靖

安東道上

騰雨殘風不作晴春陰無賴惱流鶯馬蹄一步泥三尺

多走河干半日程

道旁杏花

小徑疎籬幾樹妍去年拋却又今年

去年春以公事詣吳門署中花事不及一賞

風塵濶處還相見不暇看花祇自憐

見小車張帆行戲作

草軟沙平大道邊獨輪車挂背篷圓從前不信張思曼
真箇曾牽岸上船

海州雜詩四首

郡樓青拱鬱洲山棲鳳臺高不可攀海氣暖浮沙草白
鹽花晴曬夕陽殷沈寃未雪二年旱

時余方謫獄于此故借用于公事

小隊

尋春半日閒方丈蓬萊何處是頭銜已墮謫仙班

島嶼如螺萬竈屯孤城斗大控雙壘謂廣游山諸島山頭桃樹千

年核胸山高三百丈當署前石曼卿通判此邦以泥棄桃核偏彈山中一二年後花發如錦覓六一詩話海底松濤百

尺根海中有大松相傳為三代時物唐呂叔訥學正云今尚在魚骨廟荒靈雨暗龍且館散

陣雲昏欲招五百田橫客不見蟲沙與鶴猿

下瀨舟輕似擲梭六塘水濶擁摩坡潮聲夜齧金蟬島

柳色春回白蜺河巨浸稽天貲荻葦葦蕩營產蘆萬頃黃全河工料設遊擊領之

居民此地業鹽鹺淮北鹽皆出海州境而今海甸方清晏聞說孫恩

舊倒戈

秦碑已改東門闕漢字猶存永壽年史記載始皇立石海上胸界中為秦東門闕太

平篆字記云漢永壽元年東海相任恭修海廟于始皇碑背刻文在胸山倘借登臨雙蠟屐便應響擗

徧椎檀山巔石礪櫻桃雨石礪在雲臺山有櫻桃千餘本此時正花夜半春潮蛤

蠲田七載獄成纔一鞫整還案牘整吟箋

酌雙龍井呈呂叔訥學正

萬竅盡塞混沌泥海山靈液通靈犀石筋石骨不可犁
一泓凹似腹陷臍風花露草泉脈肥穿穴洞壑東走西
何年巨石挾怒猊五丁神斧併力剗瑩然泠然才一圭
吞以兩龍之頷頤海天日出聞天雞鬚眉照徹青玻璃
鹿盧呶啞兩手提煎以活火淪冰瓷春芽雨前未展旗
昨者雙餅筠籠齋一吸已覺腹滿飈只愁今宵凍詩脾

道旁柳

并序

爲趙子作也飛絮墮溷落花委波無心相遭有
觸斯感維因生果以果證因自今前日以計後

日我不自知而況于人乃人既有知我轉自惑
充其所知而惑同我則我之惑未爲真惑此趙
子意也而難于言屠子知之而不可言也賦道
芻柳以抒其悲趙子纏絲排側感念特甚故爲
曼聲曼字唱歎以盡之

綠楊裊裊東風吹千縷萬縷黃金絲如烟如夢如自疑
江花江草同委迤聲聲恰恰啼黃鸝十里五里一酒旗
于江之涘河之湄腰支屢舞方傲傲道旁行人立依依
欲折不折心孔悲風風雨雨怨芳蕤有情無情知怨誰
三月三日春日遲朝朝暮暮聞子規飛花飛絮天之涯
江南江北寄所思

安東抵淮陰道上山桃梨花丁香爛漫無際
朱朱白白漸開齊蛺蝶成團燕啄泥百里花光三萬樹
轎窗斜日閃玻璃

野步

聽鷓鴣無斗酒叱犢已深耕麥氣晚風潤菜花殘照明天
涯春過半歸路月初盈小憩肩輿力還成徒步行

小獻小宛雪香笠生同遊白沙翠竹江村余方病
乞假不能從諸君後既還酒間各賦詩以山谷
坐窗不邀令人瘦分韻余亦同作得邀字

子真谷口不可逃漫郎杯湖任遊遨江南南岸好山色
頗亦挂笏矜馬曹一官拘囚驥銜勒一病得閒鷹脫條

文書如山困心力未要藥物宜醇醪江頭春盡鬱波濤
江光浥浥開林皋閉門讀易占悔吝遊屐乃謝諸君豪
江村濶絕浮漁舫亭榭爽塏軒楹高碧蘿張幕莽回互
苦竹穿徑行周遭石闌過雨落花膩無復梨杏兼山桃
定知春水漲池面坐看出綢紛銀刀諸君歸來鬪吟毫
我雖作詩首頻搔山資未乞王錄事昨夢灌園悲桔槔

前題三絕句再限人字

落花依舊屐痕新檻外江山一岸巾雛燕爭飛老鷺嬾
關心昨夜送春人

昌丰景物此蕭辰花近將離最惱人容易兩年江上住
吏民無事白鷗馴

賸有詩篇屬主賓不將腰脚關閒身憑君寄語余員外
花下提壺勸丈人

末章兼柬主
人余次修也

臥疾乞休未許小宛有詩自揚州見寄奉荅一首
欲歸未得出尤難慚愧三年此一官病驥故應悲阜櫪

虛舟前已觸風瀾

海州還幾覆
舟驚恐致疾

國恩最重偏親老壯志麤酬要歲寒

聖世經綸滿朝野江湖少箇把漁竿

張舸齋遊武夷還令弟寶岩崑爲作圖卷以藏輒

題于後

幔亭俯壓石闌干

建安記闌干山南
與武夷山相對

珠瀑風吹撲面寒猿嘯

三朝三暮聽蟻穿九地九天盤浮嵐作雨蒸新茗絕壁

烘霞坼紫蘭羨煞幼輿巖壑興簿書乞與畫圖看

黃山圖爲洪桐生前輩題

昔日腰麟篆洪厓試赤龍青天落咳唾玉宇秀芙蓉綠
暗三花樹聲回萬壑松臥遊仍一笑雲海盪心胸
一千一百丈拄頰最高峰星宿空中摘烟雲足下封歸
嫌銀艾綰老憶玉芝逢亦欲風塵謝丹梯躡舊踪

題尤水村丈畫竹

八十一翁工畫竹草堂个个集青鸞今年元日行春去
更上先生臥榻看

不厭秋聲江上聽風梢雨葉夏瓏玲此番看竹兼題畫
兩載眞州就竹亭

題張老薑後鵬村居圖

昨從洪厓子展讀黃山圖某山某水一一箋釋臚但覺
山重水複林深谷暗更無從覓君家後鵬之村居京口
張寶岩放筆圖君廬證前所見圖一隅繞屋認取千林
簌屋外何所有環山有田溪有魚有魚可釣有田可種
不知是否歲入君家租而君鑿楹度架狼藉滿經史炊
烟不動鎮日把卷惟伊唔壯哉丈夫志焉能歎窮途仲
生樂志論可鄙賤貧橐筆那恤成饑驅竭來邗城卅年
餘布衣不曳侯門裾江淮流浪不歸去坐令賃舂寄食
愁妻孥殘年飽飯安可得老頻此語將誰誣頻伽詩殘年但得飽飯喫
兒解驅雞翁飯牛查髯乃述坡老句亮哉此說非挪揄梅史詩有田不歸如江水

吁嗟老薑
亦老矣

我官此土心江湖君懷鄉里身菰蘆三間破屋
待訪玉川子定知有詩寄我明日煩長鬚

厲冠卿司馬張化二上舍招同汪吟石布衣遊秋
水庵復過湄庵憩胥亭三首

長嬴未暑不作梅城東打槳城西來輕風宜人着白紵
斜陽看鶴啄蒼苔籬根自媚花細碎江流橫截山徘徊
病夫偃蹇謝賓客倦眼六旬今始開

去年看竹秋水庵記得當門秋水落苦思小艇弄潮遊
要破新篴翦鐙酌重來未果秋復春長官頭銜束縛人
今朝容我趁腰脚野老閒鷗相主賓

龍門橋上青山多湄庵枕江江熨羅江分汊口晚潮入

漁郎扣舷橋下歌繩牀髹几列亭子亭子却藏深竹裏
老僧與客兩坐忘猛省持瓢酌江水

養疴樂儀書院題壁四首

俯仰滄江上全家去住輕訟庭揮小吏講院進諸生風
俗移來漸桑麻課未成天涯總傳舍三宿見人情

藥裏經時厭行窩是處安芟荷蒸雨氣襪被領江寒白

髮歸舟穩

時家大
人方旋里

微名濟世難吳雲千里濶竟日上樓

看

樹障西頭屋門迎東上潮頽牆支石筍野竹附陵苕隱
几思元默彈碁慰寂寥病中聊止酒不換阮孚貂

魏關心常繫蒼蒼斗挂檐長沙休賦鵬西蜀漫垂簾暮

府憐才切儒生律已嚴推移感人事不寐數更籤

雨

山光沈沈雨包裹柱礎出漿如炙輶塔然終日吾喪我
坐作詩瘦嘲飯顆蟻衣陵舄物化餘頽垣蝸涎學篆書
熙熙萬物竊天慧山中自老不材樗

平仲軒古銀杏

文章斑斕虎豹皮雪霜凌兢松柏姿千尋直幹性不移
白日晝晦江雲飛沙頭老柳根百圍欹側自媚漁人磯
西風太息蒲草衰君看此樹實離離

笑倒

頑軀辱簪纓麋鹿相顧疑文繡非不美將毋廟中犧鉤

曲弦自直賦性固不移城中高髻鬟笑倒村女兒

是程堂集卷第十二

嘉和唐中茂烈開
雕於真州府舍